

**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Observat. in Cap. XVIII. de Hæresi speciatim sumptâ.

---

[urn:nbn:de:hbz:466:1-74413](#)

dicere in accusatione Criminis, cuius particeps est, ad ceteros confios quoq; extenditur.

*Regula I. Quest. VI. de Consecutionibus Judicii Simoniae*, pertinet etiam ad *Quæstionem IV.* nam infamia una est à pœnis Simoniae, omessa in *Quest. IV.* Idem est de *Tertia*, quæ loquitur de Restitutione pecunie acceptæ, ejusque applicatione ad Ecclesiam; nam pœnis annumeratur. *Secunda* pertinet ad effectus Simoniae. In hac dicitur, Ordinationem à Simoniaco factam, quamvis ipsa Simonia non sit, nocere ei, qui Ordines accipit. *Quarta* indicat Textus agentes de Premiis, quæ Simoniacorum Delatoribus debentur.

Agens de Remedijs Subsidariis accusationi Simoniae, omittit Denunciationem, quæ in eâ locum habet, perindè atque Correptio secreta, Inquisitio & Purgatio, quæs commemorat.

#### OBSERVATIONES in CAPUT XVII. de HÆRESI generatim consideratæ.

Autor principiò Criminis hujus accusationem purgat, refellendo objectionem, qua dicitur, *Atalos ad bonum cogendos non esse*, multisque Textus *Caus. XXIII. Quest. IV.* & *V.* contrarium probantes laudat. Hanc objectionem neglexit, cum de reliquorum Criminum accusacione ageret, hujus discriminis rationem afferre debuisset.

Tum dicit, accusationem hanc esse privilegiatam. Addere debuisset, cur putavit sufficere laudationem Textus id probant.

#### Q U A E S T I O III.

*Quest. III. de Causis hujus Judicii*, in fronte collocat Hæresim, de quâ nemo unquam generatim postulatur, sed tantum de aliquo errore verbo generali Hæresis designato. Quoad hujus Definitionem, remittit ad plures Textus, quos laudat; satius fuisse de iis deduci Definitionem, qua conditionibus omnibus accuratae Definitionis satisfaceret; & deinde referri aliquot è Causis in Jure commemoratis, quibus illa conveniret: sic cognovisset plures ex iis, quos colligit, ad Hæresim non pertinere: tales sunt, v. gr. quotquot Apostasiam spectant, *Caus. II. XVIII. XIX.* tales etiam ii, qui pertinent ad Schisma, *Caus. X. & XI.* talis est etiam Causa Simoniae *Caus. XVII.* talis ille, quo Episcopus Hæreticum hæredem instituit, *Cau. XXI.* Inde enim inferri potest solum imprudens benevolentia in Hæreticum, si aliund appareat Episcopum Doctrinâ, Moribusque esse Catholicum.

*Causa VIII.* falsa est, Hæreticum quippe non est arbitrari, VIRGINEM MARIAM in Peccato Originali conceptam fuisse; nulla est enim Definitio infallibilis, quæ contrarium statuat; imò impossible videtur eiusmodi Definitionem fieri, cum nullum ejus sit fundatum sufficiens in Scripturam neque in Traditione.

*Causa XX.* expositione indiget; nam *Cap. 5. de Hæret.* sumptum à Concilio Africano, non dicit, Episcopum, qui Hæreticum hæredem instituit, esse Hæreticum, sed tantum eum excommunicari debere. Nomenque ipsius inter Dei Sacerdotes non esse recitandum. Circa *Exceptionem I.* observandum est, mortem non extinguere crimen Hæresos, & proindè, eum, qui moritur in Hæresi, Hæreticorum pœnis affici, nisi priusquam moreretur, signa poenitentia dederit, & causus impropositus eum absolutione privaverit. *Exceptio II.* docet, Hæreticum relapsum (qualis est is, qui post penitentiam in Hæresim relabitur) puniri tanquam si in Hæresi decessisset, & quamvis Sacraenta ante mortem accepit, privari omnibus Bonis Spiritualibus, quibus privantur in Hæresi morientes. Hic rigor non obtinet extrâ Regiones INQUISITIONI subditas.

#### Q U A E S T I O IV.

*Questio IV.* continetur in *Tertia*: quotquot enim ceciderint in unum è Causis, de quibus loquitur, Hæretici reputantur, & consequenter, Hæresos accusari possunt: itaque, generatim, circa hanc *Quæstionem*, dicendum, accusationem Hæresos habere locum ad-

versus omnes, qui Hæresi participant; tales sunt præcipue ii, de quibus loquuntur *Quinque REGULÆ Quæstionis*. Accusatio hæc non viget in Locis, ubi Hæresis toleratur.

#### Q U A E S T I O V.

Hic de Inquisitione & Accusatione promiscuè agitur, & quaritur, ad quem pertinent, & coram quo fieri hæc debeat. Id infinitare, videtur, Inquisitionem ad alium pertinere, quam ad Judicem Inquisitionis; unus tamen atque idem Judge est, ut probant Regulæ *Tres*, quæ docent, Judicem Ecclesiasticum esse Judicem Inquisitionis; Judicium hoc, pertinere ad Episcopum modo Quadraginta annos excederit; nullam esse hoc in Capite exemptionem; Inquisitores à Pontifice deputatos jus habere Episcopo assistendi, modo annos XL. compleverint; si Ordinarius heresos suspectus sit, notionem ad Pontificem refervari.

#### Q U A E S T I O VI.

In *Regula I. QUESTIONIS VI. de pœnis Hæresos*, dicitur, Schisma severius quam Hæresim puniri, laudatur, ad id probandum, *Can. 21. Caus. XXIV. Quest. I. S. AUGUSTINUS* idem disertè dicit, atque ostendit exemplis è Scripturâ Sacrâ defunctis, nempe ab *Ezech. Cap. XXII.* ubi adoratio Virtuti autem, quæ, ratione habitat Beneficiorum ingentium ab Israële acceptorum & expectatorum, atrocissima erat Idololatria, punitur solum ut peccatum grave; à *GEREMIA Cap. XXVI.* ubi combuflatio Libri Propheetarum *Jeremie*, punitur bello & longâ captivitate; & à *Cap. XVI. NUMER.* ubi Schisma Core, *DATAN & ABIRON*, contrâ *MOYSEM*, ita punitur, 1. Absorpti sunt tres Rebels. 2. Tum consumptione per ignem caelestem, omnes qui eis adhæserant.

*Regula II.* attentione digna est, in eo, quod dicit, Hæresim durius in Religiosis, quam in Laicis prohiberi: sumpta est è *Cap. 8. de Hæret. in 6. §. ult.*

Eamdem attentionem meretur *Reg. III.* ferens, Hæreticos morte afficiendos non esse. Per illam exponenda est *Septima*, dicens, Hæreticos Excommunicatos tradi Judici Sæculari, prout ipsi libuerit, puniendo. *Octava Regula* utramque confirmat, aliam non statuens pœnam in Hæreticos pertinaces, quam carcerem perpetuum.

*Regula IV. & V.* convenient in eo, quod ferant, Relapsum per abjurationem, graviter puniendum esse, quam Hæreticum, qui nunquam abjuravit. *Juxta Quartam* is, qui abjuravit, ob levem contrâ se præsumptionem, non est Relapsus: talis censetur is, qui ad Hæresim redit, factâ ob gravem præsumptionem vel convictionem abjuratione: *Quinta* de Relapso post hanc ultimam abjurationem loquens, inter Relapsos numerat eos, qui, postquam sic abjuraverint, cum Hæreticis communicant.

#### Q U A E S T I O VII.

Autor loquens in hac *Quæstione de Solemnitatibus*, sive procedendi formâ in Judiciis contrâ Hæreticos, & de aliis rebus adjunctis, eas eligere debuisset, quæ ipsi sunt Peculiares; (hoc præstitum fuit in expositione *DECALOGI* per Textus Juris). Saltem monere debuisset, quid huic Judicio sit peculiare, idque à rebus, cum aliis Judiciis Communibus, segregare.

Multa præterea *Regula* indicant solum Textus, in quibus de arguento agitur.

Huic Judicio speciale non est, ut Reus in carcerem mittatur, custodiatur, Ministri iurandum præsent, Contumax pro convicto habeatur, Testimonium Excommunicatorum & Consciorum admittatur, nihil per studium gerant Judges, creditâ sibi potestate non abutantur, de rebus tantum sibi competentibus fatagant, Judge Sæcularis Ecclesiasticum Judicem adjuvet: hæc tamen magnam partem Regularum implent.

*Regula III.* continet *Quintam*; nam depositiones Testium, quas hæc revelari vetat, sunt pars Procesus, quem